

UDHËZIM I PËRBASHKËT

Nr. 220, datë 8.11.2022

MBI PROCEDURËN E ZGJATJES, AFATET E ZGJATJES SË QËNDRIMIT, RASTET E RËNDËSISË SË VEÇANTË, SI DHE DOKUMENTIN ME TË CILIN PAJISET I HUAJI

Në mbështetje të nenit 102, pika 4, të Kushtetutës, në zbatim të nenit 26, pika 3, të ligjit nr. 79/2021, “Për të huajt”,

UDHËZOJMË:

1. I huaji, i pajisur me vizë për të hyrë dhe qëndruar në territorin e Republikës së Shqipërisë, ose i huaji i cili i nënshtrohet regjimit për hyrjen dhe qëndrimin pa vizë për një periudhë të përcaktuar, sipas ligjit nr. 79/2021, “Për të huajt”, mund të kërkojë zgjatjen e afatit të qëndrimit, duke paraqitur një kërkesë *online* drejtuar autoritetit përgjegjës vendor për kufirin dhe migracionin ku ka banimin e përkohshëm, ku të përcaktojë:

a) arsyen për të cilën nuk ka pasur mundësi të largohet nga territori i Republikës së Shqipërisë para përfundimit të afatit të qëndrimit të përcaktuar në vizë/ligj;

b) afatin për të cilin kërkon zgjatjen e qëndrimit.

2. Kërkesa e arsyetuar duhet të depozitohet jo më vonë se 7 ditë para përfundimit të afatit të qëndrimit të ligjshëm në territorin e Republikës së Shqipërisë dhe të jetë e shoqëruar me dokumentacionin, si më poshtë:

a) formularin sipas aneksit nr. 1, bashkëlidhur dhe pjesë përbërëse e këtij udhëzimi;

b) dy fotografi;

c) dokumente të tjera justifikuese të motivit për të cilin kërkohet zgjatja e afatit.

3. Autoriteti përgjegjës vendor për kufirin dhe migracionin përcjell kërkesën brenda 24 orëve nga depozitimi, pranë autoritetit qendror të kufirit dhe migracionit, e cila shqyrtohet në Komisionin e Shqyrtimit të Ankesave pranë këtij autoriteti. Komisioni i propozon autoritetit qendror për kufirin dhe migracionin miratimin ose refuzimin e kërkesës, si dhe njofton autoritetin vendor mbi vendimin e marrë, brenda 24 orëve nga depozitimi i kërkesës pranë këtij institucioni.

4. Komisioni i Shqyrtimit të Ankesave pranë Departamentit për Kufirin dhe Migracionin, në bazë të vlerësimeve rast pas rasti, kërkon nga autoriteti vendor për kufirin dhe migracionin verifikimin e arsyes së pretenduar nga i huaji, subjekt i kërkesës për zgjatjen e qëndrimit. Në këtë rast, përgjigjja nga autoriteti vendor për kufirin dhe migracionin duhet të jepet brenda 24 orëve nga kërkesa e Komisionit të Shqyrtimit të Ankesave.

5. Komisioni merr vendim mbi miratimin/refuzimin e kërkesës, brenda 3 ditëve nga paraqitja e kërkesës.

6. Në rast të miratimit të kërkesës, autoriteti vendor për kufirin dhe migracionin ku i huaji ka vendqëndrimin e përkohshëm, pajis të huajin subjekt të zgjatjes së qëndrimit me dokument në formatin e leje qëndrimit të tipit “A”, miratuar me vendimin e Këshillit të Ministrave nr. 858/2021, “Për përcaktimin e kriterëve, të procedurave e të dokumentacionit për hyrjen, qëndrimin dhe trajtimin e të huajve në Republikën e Shqipërisë”, të ndryshuar.

7. Shtetasi i huaj, kur largohet nga territori i Republikës së Shqipërisë, paraqet dokumentin e zgjatjes së qëndrimit në Pikën e Kalimit Kufitar për të evituar penalitetet për qëndrimin e parregullt në territor.

8. Për zbatimin e këtij udhëzimi ngarkohet Drejtoria e Përgjithshme e Policisë së Shtetit dhe Ministria për Evropën dhe Punës e Jashtme.

9. Ky udhëzim hyn në fuqi menjëherë dhe botohet në Fletoren Zyrtare.

MINISTËR I BRENDSSHËM
Bledar Çuçi

MINISTËR PËR EVROPËN
DHE PUNËT E JASHTME
Olta Xhaçka

ANEKS NR. 1



REPUBLIKA E SHQIPERISE
MINISTRIA E BRENDSHME
Drejtoria e Përgjithshme e Policisë së Shtetit
Departamenti për Kufirin dhe Migracionin
DVKM _____

Foto / Photo
3.5x4.5 cm

FORMULAR ZGJATJE QËNDRIMI NË SHQIPËRI
STAY EXTENSION FORM

Aplikim për zgjatje të / Application for extension of

☐ Afatit të Vizës / Term of Visa	☐ Zgjatje të qëndrimit në Shqipëri / Extension of stay in Albania
Zgjatja kërkohet deri / Extension is requested until: _____	

Kërkesa të shoqërohet me pasaportën tuaj. Të plotësohen të gjitha rubrikat me shkronja kapitale.
To be submitted with your passport to the authorities. All boxes must be filled in and write in Roman capitals.

I. Informacion për aplikantin / Information about the applicant

Mbiemri / Surname (family name)		Mbiemri i mëparshëm / Earlier surname (Earlier family name)	
Emri / First names (given names)			
Shtetësia / Nationality			
Ditëlindja / Date of birth Dita, muaji, viti / Day, month, year	Gjinia / Sex ☐ Mashkull / Male ☐ Femër / Women	Gjendja Civile / Marital status ☐ Martuar / Married ☐ Beqar / Single ☐ Divorcuar / Divorced ☐ I(e) ve / Widow(er)	
Adresa në vendin e origjinës / Address in home country			

II. Informacion i dokumentit të udhëtimit / Travel document information

☐ Pasportë Kombëtare / National passport	☐ Other travel document
Nr. Pasaportës / Passport no.	Data e lëshimit / Date of issue
Data e skadimit të pasaportës / Passport expiry date	
Autoriteti lëshues / Issuing authority	Shteti / Country
Cila ambasadë, mision diplomatik ka lëshuar vizën? Which embassy/diplomatic mission issued your visa?	
Nr. serial i vizës / Visa sticker no.	E vlefshme deri: _____ ditë : Valid until _____ days:
Data e hyrjes së fundit në territorin e Shqipërisë / Date of last entry into the Albanian area	

III. Arsyeja / qëllimi i aplikimit për zgjatje / Reason for / purpose of the application for extension

☐ Forcë madhore / Force majeure	☐ Shëndetësore / Health
☐ Arsye humanitare / Humanitarian grounds	☐ Të tjera / Other
(Të bashkëlidhen dokumente / Documentation must be attached)	
Pritësi / Visiting ☐ Bashkëshort / Spouse ☐ Partner Civil / Cohabitant ☐ Prind / Parents ☐ Vëlla/Motër / Brother/sister ☐ Fëmijë / Child ☐ Partner Biznesi / Business partner ☐ Të tjera / Other	

IV. Informacion për personin referues në Shqipëri / Information about the reference person in Albania

Emri / Name	Shtetas shqiptar? / Albanian Citizen? ☐ Po / Yes ☐ Jo / No
Adresa, Qyteti / Address, city	Telefon nr. / Telephone no.
A pranon pritësi të plotësohet ky aplikim për zgjatjen e qëndrimit tuaj? will the host accept that an application is being filed for an extended stay with him/her? ☐ Po / Yes ☐ Jo / No	
A do të mbulojë pritësi shpenzimet për qëndrimin tuaj? / will the host pay for your stay? ☐ Po / Yes ☐ Jo / No	

V. Komete për Aplikimin / Applicant's comments

VI. Deklarim i pranimit dhe nënshkrimit / Declaration of consent and signature

A. Deklarata e korrektësisë . Unë konfirmoj, që i gjithë informacioni i hedhura nga mua në këtë formular aplikimi është i vërtetë dhe i plotë. Unë jam i vetëdijshëm se duke u dorëzuar autoriteteve dokumentacioni të rremë dhe informacion personal të rremë me shkrim, është një vepër e dënueshme sipas Kodit Penal në Shqipëri dhe se informacioni i rremë mund të çojë në refuzimin e kërkesës ose riatdhesimi dhe refuzimin e hyrjes në territorin e Shqipëri

B. Deklarata e pranimit për të lejuar autoritetet për të mbledhur informacionin e nevojshëm. Unë jam dakord për të lejuar autoritetet përkatëse të bëjë hetimet në lidhje me çështjet e mia private për të mundësuar ata që të merren me aplikimin tim, në lidhje me dokumentet e dorëzuara nga mua në mbështetje të aplikimit tim

C. Njoftim se autoritetet shqiptare kanë regjistruar informacion rreth jush dhe biznesit tuaj. Në përputhje me Aktin mbi Përpunimin e të Dhënave Personale , autoritetet Shqiptare janë të detyruara të njoftojnë se informatat të cilat ju keni dhënë në lidhje me aplikimin tuaj për vazhdimin e qëndrimit tuaj do të regjistrohen në Regjistrin Kombëtar Elektronik të të Huajve, i cili është një regjistër i kompjuterizuar, për të cilin është përgjegjës Shërbimi i Departamentit për Kufirin dhe Migracionin. Për shqyrtimin e çështjeve të qëndrimit tuaj në Shqipëri, informacioni do të përdoret nga Departamenti për Kufirin dhe Migracionin dhe Autoritete të tjera relevante

A. Sworn declaration of correctness I hereby that the information I submit in this application is correct and accurate. I am aware that providing false personal information and false written documentation to the authorities is an act punishable under the Penal Code in Albania and that providing false information may lead to a refusal of a residence permit or the cancelling of an existing permit, repatriation and the refusal of entry into the Albanian territory.

B. Declaration of consent to allow authorities to gather necessary information. I consent to letting the relevant authorities make enquiries about my entirely private affairs for the purpose of enabling them to deal with my application, about documents submitted by me in support of my application.

C. Notification that Albanian authorities have registered information about you and your affairs. In accordance with the Act on Processing of Personal data, Albanian authorities are obliged to notify you that the information which you have supplied in connection with your application for extension of your stay will be registered in the Foreigner Electronic Register, which is a computerized register for which the Department for border and Migration Service is responsible. The information will be used in connection with the consideration of issues regarding your stay in Albania, by the Department for Border and Migration and other relevant authority

Vendi dhe data / Date and place	Nënshkrimi / Signature
---------------------------------	------------------------

Për përdorim zyrtar / For official use only

Bashkangjitur ☐ Pasaporta ose Dokument tjetër udhëtimi ☐ Të tjera	Data e pranimit : _____ Pranuar nga (nënshkrimi): _____
---	--

Aprovuar ☐ PO ☐ JO _____
Komente: